



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Perfectionibvs Moribvsqve Divinis Libri XIV

Lessius, Leonardus

Antverpiae, 1620

Cap. V. Modus apprehendendi infinitatem Dei.

[urn:nbn:de:hbz:466:1-46817](#)

secundum quas ipse omnia produxit, ut ait Dionysius De diuin.nom.
cap. 5. & tamquam in causa finali: omnia enim sicut naturâ sunt
ab ipso, ita etiam sunt propter ipsum. Vnde omnia nobis ad ipsum
referenda: alioquin parum boni ex rebus ipsis percipiemus. Deni-
que tamquam causâ particulares in vniuersali. Hos modos insinuat
Dionysius lib. De diuin.nom. c. 4. E'ν αὐτῷ πᾶσα αρχὴ τὸ διεύμε-
τρη, τελικὴ, ποιητὴ, εἰσιτὴ, σειράδινη, καὶ ἀπλῶς πᾶσα αρχὴ, πᾶσα
συνοχὴ, τὰ πέρας. In ipso, inquit, est omne principium exemplare, fi-
nale, efficiens, formale, elementare; & simpliciter omne principium, om-
nis connexio, omnis terminus. Vbi quinque Principiorum genera in
Deo contineri ostendit, ita ut ipse sit principium omnis principij, &
causa omnium causarum: nec tantum res ipsas in Deo eminenter
contineri, sed etiam omnia rerum principia, & omnes causas. Vnde
passim vocat Deum ιασταρόν αρχήν, principium omni principio
superius & eminentius. Idem significat Apostolus cùm ait: *Ex ipso, Ad Rom. 11,*
per ipsum, & in ipso, & ad ipsum sunt omnia. sic enim citat ibidem
Dionysius. *Ex ipso*, designat primam & originalem causam effi-
cientem: *per ipsum*, exemplarem: *ad ipsum*, finalem: *in ipso*, causam
sustentantem omnia veluti quidam fundus & fundamentum om-
nium, cui omnia innixa recumbunt.

C A P V T V.

Modus apprehendendi infinitatem Dei.

²¹ M A G N I interest ad fructum colligendum ex consideratione *triplex in-*
infinitatis Dei, ut quis amplio & illustri modo possit eam *terram in-*
menti obiicere, & cum rrgum creatarum angustiis conferre. Hoc
ut melius fiat, considerandum est triplex interuallum infinitum in-
ter Deum & hominem quemlibet. Primum est inter singulos ho-
mines & totum genus humanum, non solùm quod aliquando
existet, sed etiam quod cogitatione fingi potest. Excedit enim tota
illa multitudo singulos homines & numero & loco & estimatione
infinite. quid obsecro est anima una in tam immensa creature?

Secundum est inter totum genus humanum & totam multitu-
dinem creaturæ rationalis possibilem. Cùm enim secundum cer-
tam DD. sententiam, Angelorum species Deo possibles infinita
serie excurrant, idque assidue crescendo in perfectione, sicut cre-
scunt species numerorum sine fine; & sub singulis infinita sint indi-

C uidua;

uidua; quid est totum genus humanum, quod infimum locum tenet, ad illam infinitam infinitam, & in infinitum perfectiorem Angelorum multitudinem? Sanè non est tanti, quanti vna arena la ad montem immensum.

Tertium est inter totam illam creaturæ possibilis infinitam congeriem, & Deum. Deus enim totam creaturæ possibilis præstantiam & estimationem superat infinitas infinitè. Primo, quia natura sua est infinitè excellentior. Nam tota creatura ad ipsum, est sicut imago piæ ad exemplar, sicut character aquæ vel potius vacuo impressus, ad sigillum; sicut umbra ad solem. Vnde etiam si tota creatura possibilis simul existeret, nihilominus Deo radium cui influxus subtrahente, statim in nihilum evanesceret, nec usquam eius maneret vestigium. Secundo, quia quidquid in tota illa multitudine sparsim habetur boni, id totum in Deo est collectum in simplicem unitatem, omni impuritate & imperfectione detraha, ac proinde sine omni limitatione. Itaque cum in Deo sit absque limitatione quam habebat in creatura, erit in eo infinitè melius quam in creatura.

Alio modo potest concipi hæc infinitudo per quamdam abstractam rationem. Sicut enim humana natura abstracta ab individuis more Platonico apprehenditur ut quid infinitum secundum illam speciem (ut pote æquivalens infinitis individualibus, & infinitis communicabili) ita ipsum esse abstractum ab omnibus entibus per modum formæ, & per se subsistens apprehenditur ut infinitum abso-

S.Thom.I.
p.q.3.a.2.ad
3.&q.7.a.1.
ad 3.q.44.
a.1.in corp.
Dionys. c. 5.
De diu.nom.
Quod Deus
sit ipsum esse
superessentia-
le omnium.

lute in genere entis; cum ipsis esse communione, omnia quæ sunt, rationem entis habeant. Hoc modo sèpè D. Thomas, & D. Dionysius vocant Deum, ipsum esse; quia est veluti forma quædam abstracta & separata ab omni ente limitato, per se subsistens, cuius communione & veluti attachu, omnia quæ sunt, essentiam & esse accipiunt.

CAPUT VI.

Quis fructus ex consideratione infinitatis colligatur.

MULTIPLEX fructus ex hac consideratione capi potest, sed potissimum quadruplex.

Primus est, ut summa reverentia & humilitate cum Deo agamus, & coram ipso ambulemus. Quòd enim maior Princeps, cum quo